

MARCO BISLIP NO TABATA HEFE INTERINO

Segun PDA

ORANJESTAD(AAN)—
Segun PArtido Democra-

tico Arubano pueblo di
Aruba mas y mas ta haya

AVP Y MEP decisionnan.

Pa ilustra su punto di bista, esta cu Aruba mester ta liber pa tuma su propio decisionnan, AVP a duna como ehemplo e asunto di turismo cu na e momento aki ta e pilar di mas importante di nos economia. Awor aki ta gobierno central ta esun cu tin poder pa duna permiso pa aterizahe. Den futuro Aruba mester por

Cont. di pag. 11

duna e linea aerea cu e ta kere ta beneficioso pa su turismo, permiso pa bin Aruba. Si esaki tin cu bay segun e procedura propone pa e otro islanan, nos lo keda cu e mesun probemnan awor aki. AVP ta spera cu MEP lo tene bon cuenta cu esaki y cu e lo bin back ariba su punto di bista actual pasobra esaki lo perhudica e futuro desarrollo di nos isla, segun Sr. Watty Vos.

Berlinski a declara ayera anochi na DIARIO.

El a splica cu ora cu sindicatonan Uni a anuncia e manifestacion contra e malmanejo cu a hiba pueblo den un catastrofe, consehero general abiertamente a troce verdad.

"El a haci como si fuera henter e manifestacion tabata contra Lago y PDA saliendo na vanguardia di nos pueblo ta muestra cu den temponan dificil ora tur trahador di

Gobierno mester entrega parti di nan salario, e malmanejo y falta di seguridad ta continua.

"Atrobe Consehero General ta troce verdad comoquiera cu Sr. Marco Bislip hamas y nunca ta hefe interino di Arbeidszaken y ni a fungi como tal. Su nombramento y promocion tabata entrante 25 di januari e aña aki caminda su salario a subi mas di mil florin pa luna," Sr. Berlinski a laga sa.

G N BUSCANDO DOCTORAL

ORANJESTAD(AAN)—
E artista Arubano G.N. Gustave Nouel, actualmente ta na Madrid siguiendo un estudio post academico pa su doctoral den pintura.

Segun e informacionnan cu DIARIO a logra haya, e ta na Academia San

Fernando di Madrid y ta trata na termina e estudio menciona di Universidad Complutense de Madrid, facultad Bellas Artes.

Manera ta conoci GN recientemente a logra otro exito grandi cu su exposicionnan y tabata na Hulanda, unda Minis-



GOUSTAVE NOUEL

tro Plenipotenciario a inaugura e exposicion "Retrospectie" den "het Kunsthuis v.h. Oosten, cual exposicion a ser dedica na Drs. Luis Daal.

Gustave Nouel aña pasa manera tur hende sa a ofrece tres di su cuadro nan na Gobierno di Aruba, cualnan a ser obsequia na Venezuela, Colombia y Santo Domingo, como simbolo di amistad.

Na Hulanda den tereno di pintura y den circulo di artistanan, GN ta ser considera como un di e pintornan Antillano mas conoci di actualidad.



Comisario di Polis na Aruba ta avisa cu a worde dicidi pa duna **PERMISO GENERAL** pa pone objetonan manera stelage, trailer y vehiculonan y otro objetonan pa usa como tribuna canto di caminda publico na banda di e ruta di parada di Carnaval di mucha na Oranjestad dia 10 februari 1985, parada grandi di Carnaval na Oranjestad dia 17 februari 1985 y dia di cimamento di Rey Momo na Oranjestad dia 19 februari 1985.

Sin embargo por haci uso di e permiso aki unicamente ariba:

a. Vondellaan desde e cruzada di Wilhelminastraat te na Madurostraat na ambos banda;
Vondellaan desde Rumbastraat te pa Noord di Cas di Cultura na ambos banda;
Vondellaan desde Madurostraat te na Rumbastraat exclusivamente na e parti west.
Voldellaan di pa Noord di Cas di Cultura te na e Rotonde exclusivamente na e parti west;

b. e parti pa zuid di Smith Boulevard desde e parti west di e lugar di staciona auto enfrente di Talk of the Town Hotel te na e parti oost di Wilhelminapark enfrente di e residencia oficial di Gobernador, e parti west di Wilhelminapark ariba e lugarnan di staciona auto di e caminda paralelo cu Smith Boulevard y tambe e seccionnan habri di e parti noord di Smith Boulevard, situa entre e parcelanan 20 y 26, un que otro bao condicion di dicho objetonan:

1. mester ta di un construccion solido y no por tin partinan peligruso y/o saliente;
2. mester ta movible o facilmente por worde traslada pa (truck) grua di Polis;
3. **NO POR WORDE PONI:**
 - a. ariba o den cercania di cruzadanan, di tal forma cu e vista pa trafico den movecion por worde stroba;
 - b. na un distancia di menos cu 1.50m di canto di carter na e lugar mes (tampoco ariba aceranan estrecho of canto di caminda);
 - c. unda e vista desde casnan na e lugarnan mes ta worde stroba;
 - d. den Wilhelminapark o riba cespedan;
4. no por worde transporta o move sriba caminda durante scuridat;
5. no por worde asegura na propiedadnan di gobierno o di otro hendenan;
6. no por tin un caracter dañoso/mahos pa e aspecto urbano.

ATENCION:

E permiso aki ta valido solamente pa e peido entre 6 februari 1985, 8.00'or te cu 19 februari 1985, 24.00'or. E objetonan en question mester ta kita no mas tarda cu dia 21 februari 1985.

E mididanan mwnciona, cu lo ser indica pa medio di borchinan di trafico, barera y borch di advertencia, lo keda na vigor te na fin di e Parada Grandi di Carnaval. E vehiculonan cu no cumpli cu loke ta stipula bao di punto no. 8 lo ser aleha cu grua di Polis. E doño di of e sun cu ta usa e stelage, trailer, vehiculo of cualquier otro objeto mester cumpli inmediatamente cu e indicacionnan cu Polis duan na interes di e orden publico y di e buena marcha di trafico. Violacion di e condicionnan di e permiso, lo ser considera como si fuera cu e personanan aki a actua sin permiso, loke por trece cune cu Polis lo kibra y aleja of laga kibra y aleja e objeto pa cuenta y riesgo di e doño of e persona cu ta usa e objeto.

P.S.

Ademas ta prohibi cu cambia di sitio of aleja e hekkinan di trafico cu a ser poni na caminda.

E indicacionnan na interes di e orden y seguridad publico cu lo ser duna door di Polis mester ser obedeci puntual - y inmediatamente.



AVISO

Comisario di Polis na Aruba ta avisa cu ariba Diadomingo, 17 februari 1985 en coneccion cu parada grandi di Carnaval na Oranjestad, e siguiente medidanan di trafico lo worde tuma:

1. desde 8.00'or Smith Boulevard lo worde cerra pa trafico di vehiculo desde Talk of the Town te na e antiguo Plaza Shopping Center Westraat, di antiguo Plaza Shopping Center te na Havenstraat, Wilhelminastraat te na e cruzada Wilhelminastraat-Vondellaan, Verbindingsweg-Fergusonstraat;
2. desde 8.00'or Fergusonstraat lo ta cerra pa trafico di vehiculo den direccion oeste (direccion Oranjestad) na altura di caminda principal cerca di e edificio di DEpartamento di Bomberos;
3. desde 9.00'or trafico di vehiculo lo no worde permiti ariba Vondellaan;
4. e trafico di vehiculo biniendo di direccion di San Nicolas via e caminda principal lo worde disvia na e rotonda na J.F. Kennedy-school via Stadionweg y Druivenstraat;
5. e trafico cu ta desea di bay den direccion di hotelnan grandi, lo mester sigui e siguiente ruta: desde Stadionweg, Druivenstraat, Rondweg, Dadelstraat, Nassaustraat, Verbindingsweg, de La Sallestraat, Boerhaavestraat, Venezuelastraat, Driemasterstraat, Paardenbaaistraat, Smith Boulevard.
6. e trafico di vehiculo biniendo for di direccion di hotelnan grandi via Smith Boulevard y bayendo den direccion di San Nicolas mester bai via Paardenbaaistraat Driemasterstraat, Rudolf Arendstraat, Boerhaavestraat, de La Sallestraat, Verbindingsweg, Nassaustraat, (direccion Sta. Cruz), Dadelstraat, Rondweg, Fergusonstraat pa caminda principal.
7. e trafico cu mester bay ariba terreno di haf, Boulevard Shopping Center y Bali Restaurant, lo por yega eynan via Smith Boulevard bira na man drechi na altura di Harms Brothers den direccion di terreno di haf o via e caminda paralelo cu Smith Boulevard.
8. prome y te despues di e parada lo no ta permiti pa staciona vehiculo ariba e ruta di e parada (especialmente Wilhelminastraat) y ariba acera na unda mirones ta custumbra para pa weita e parada.



NO MISHI
CU E
VENENO
CU YAMA
DROGA.